



Fatfat pig




Hemia Bong. Hemi gat tingting blong mekem wan kastom blong hem.

[1]




Blong mekem kastom ia, hemi nidim pig.


[2]




Ale hemi go luk wan anti blong hem. Bong hemi se: “Mi wantem mekem wan kastom blong mi.”
[3]




Ale mi stap lukaotem wan pig.
[4]




Ale anti hemi se: "Bae yu go luk angel blong yu long narasaed krik."
[5]



Afta Bong hemi go luk angel blong hem. Hemi se: "Mi wantem mekem wan kastom blong mi."
[6]



Ale mi stap lukaotem wan pig we bel i hang i go daon mo tut blong hem i bigwan we i bigwan.
[7]




Afta, angel ia hemi poentem wan pig hemi se: "Pig blong mi i stap. I fatfat gud. Mi save givim hem long yu bae yu mekem kastom blong yu."
[8]




Ale Bong hemi tekem pig i go long haos ale putum pig i go long fenis.

[9]




Afta, hemi go spel, ale silip. Hemi stap drim se bae hemi wan bigman.

[10]




Be taem hemi go bak long fanis, hemi luk se pig hemi bin brekem fanis ale ron i go.

[11]




Ale Bong hemi go bak long anti blong hem, hemi se: “Mi stap lukaotem wan pig we bel blong hem i hang mo tut blong hem i bigwan we i bigwan.”


[12]



Anti hemi se: “Tufala brata blong yu tufala i bin ronem wan pig.”
[13]




Ale Bong hemi go lukluk pig ia, i faenem se i pig blong hem nomo nao we tufala i bin ronem.
[14]




Bong hemi sad. Hemi tekem wan pis mit mo rapem long lif blong bae hemi tekem igo long angel blong hem.

[15]



Anggel hemi tekem mit, hemi talem tankyu long Bong. Bong hemi se: "Mi sori tumas, angel. Mit ia hemi blong pig blong yu. Ol brata blong mi oli bin ronem."

[16]



Anggel hemi se: "Ating yu no redi blong mekem kastom blong yu yet."

[17]